

Wer soll dann dess alles mache

Omm letzde Mittwoch habb ich uff de Gass ess Kättche getroffen unn mir zwaa hawwe e bissi sesomme gebabbelt. Uff oomol sächtse: Du, Honnes, ihr habbt eich doch omm Sunndaach iwwer die Kalköfe onn de Kelb unnerhalle. Ei wie merr dess de Schorsch beim Middaachesse verzählt hott, habb ich gleich gesaat: Schorsch, doo giehn merr nooch emm Kaffeedrinke hie. Weil ich wollt merr doch emol oogucke, was uff dem Gerist iwwer dene Kalköfe ze lese iss, dort sinn doch so Tafele oogebracht.

Unn, habb ich gefroocht, warder mol dort?

Ess Kättche hott genickt. Ei freilich warn merr dort. Du saach emol, wie mir Kinner warn, doo hott dess dort drauße doch noch gonz onnerst ausgeseh. Doo sinn merr von de Hochemer Strooß omm Martini vorbei, wenn merr in die Bachwisse odder in die Traisersmihl wollde. Doo war rechts erst dess Wohnhaus unn gleich dehinner warn so gemauerte Höhle, doo hott allerhond Krempel drinngestone. Mir hawwe nit gewusst was in dene Höhle gemacht worrn iss, awwer omm Sunndaach habb ich gelese, dass de Martini bis 1919 dort Kalk gebrennt hott. Unn außerdem habb ich gelese, dass dess die oonsisch iwwerich gebliwwene Oolaach in gonz Hesse iss.

Interessont, gell, habb ich gesaat, was so alles in Flerschem in friehere Zeide gemacht worrn iss unn was merr doodefoo noch sehe kann. Unn grad desweeche moon ich halt, dass merr nit nor die Reste von dene Öfe zeiche dut, naa, merr misst aach so enn Kalkofe noochbaue unn ab unn zu dort Kalk brenne.

Doo frächts Kättche: Wie gehden dess eichentlich vor sich, dess Kalkbrenne?

No ja, habb ich gesaat, in so enn gemauerte, owwe unn vorne offene Ofe hott merr vor jedem Brenne de erst unne uffem Boddem e rischdisch Brennkommer aus Kalkstoo baue misse, die iss gebaut worrn wie e Gewölbe, mett Kanäl ferr die Luft. Dess war e Arweit ferr de beste Monn omm Platz. In die Kommer sinn Feierholz unn kräfdische Scheite aus Bucheholz kumme, dann hott merr von owwe uffs Gewölbe dicke Kalkstoo geschmisse unn hott dann alles gut mett kloone Stoo unn Lehm abgedeckt. Jetz isses Feier oogesteckt worrn, dess hott dann so drei bis vier Daach gebrennt, beiere Mordshitz von monchmol dausend Grad. Doodebei iss de erst Wasser unn dann Kohlesäuregas aus de Stoo ausgedriwwen worrn, was iwwerisch gebliwwen iss dess war de Bronntkalk. Den musst merr nooch emm Abkühle aussem Ofe erausholle unn deletz noch mett Wasser lösche. Dess Brenne unn dess Lösche, so habb ich gedenkt, kennt merr uff de Kelb noochmache.

Ach Honnes, sächts Kättche, du immer mett doine Idee. Wer soll dann dess alles mache? Wer sollen dess bezahle?

Kättche, habb ich ze Antwort gewwe, dess waaß ich aach nit. Awwer guck emol, wenn merr mett Flerschem gut moont, dann muss merr ab unn zu aach emol e bissi weider denke. Eichentlich geht's doo drum, dass mir Flerschemer zeiche, egal was mett dem Fluchhafe unn dere Londebohn bassiert, dass merr unser Stadt nit uffgewwe unn dass merr se sogar noch attraktiver mache wolle.

Doo hotts Kättche gegrinst. Ich wart dann uff e onner Attraktion.

Unn die wär?, habb ich gefroocht.

Ess Kättche grinst noch mehr. Ei wenn du uff doi alde Daache in so emm Ofe erumstochern dust unn debei doin Steckte verbrennts, weilden nimmi brauche dust.

Eiern Honnes